

جَزَائِر حَاكِمَة

— جمعه ايرتسى —

نومرو	ربيع الاول	سنه	تشرين اول	سنه	صحيفه
٦٢٠	١٤	١٣٠٩	٥	١٣٠٧	٩٠٢٧

(اشبو غزته بهر هفته جمعه ايرتسى كونلرى چيقار . سنه لى درسعات ايجون مجديه يكرمى غروش)
 (حساييله التمش غروشدر . طشره لر ايجون اون بش غروش پوسته اجرتى ضم اولنور . بهر)
 (نسخه سى بنه مجديه يكرمى غروش اولمق اوزره يوز پاره يه هر يرده ساتيلور . درج اولنه جق)
 (اعلاناتك هر برندن بر مجديه اخذ اولنور . سنه لكهنه مشترى اولمق استيانلر عدليه نظارتى)
 (دائره سنده كائن جريده محاكم اداره سنه مراجعت ايلمليدر)

قسمت سى

— توجهات —

كريد ولايتى عدليه مفتشلى علاوه مأموريت
 صورتيله درسعات استيناف محكمه سى مدعى
 عمومى سعادتلو خالد بك افندى يه

درسعات استيناف محكمه سى مدعى عمومى
 وكالتى كذلك علاوه مأموريت اوله رق باش مدعى

عمومى معاونلرندن سعادتلو طلعت بك افندى يه

بنفاد ولايتى مركز بدايت محكمه سى رياستى

حما سنجاغى بدايت محكمه سى جزا دائره سى رئيسى

فضيلتلو احمد خلوصى افندى يه

حما سنجاغى بدايت محكمه سى جزا دائره سى

رياستى طرابلس شام سنجاغى بدايت محكمه سى

مدعى عمومى معاونى فتاح افندى يه

طرابلس شام بدايت محكمه سى مدعى عمومى

معاونت کی مکتب حقوق شاهانه مأذون نردن
محمد زهدی افندی به تفویض بیورلمشدر .

(فی ۲ ربیع الاول سنه ۳۰۹ وفی ۲۳ ایلول)
(سنه ۳۰۷ تاریخنده بالجله ولایات استیناف)
(محکمه سی مدعی عمومیلرینه ومدعی عمومی)
(بولنمیان محللر مدعی عمومی معاونلرینه یازیلان)
(تحریرات عمومیہ صورتیدر)

محکمه تمیز اعضاسندن لاجل التفیش طشره به
کوندریلان ذواته ویرلمکده اولان اوچر محیدی
یومیه نك بر عدد عثمانلی لیراسنه ابلاغی واستیناف
مدعی عمومیلرینه دخی ماتحقاتی تفتیشلری
انشاده ایکشر محیدی اعطاسی بالاستیدان
شرفصادر اولان اراده سنیه حضرت پادشاهی
اقتضای عالیسندن بولنمغه عزیمت وعودت
کونلری مثنتا اوله رق بعدما اعطاسی اقتضایدن
یومیه نك اولوجهله تخصیصات عدلیه به محسوباً
تسویه سی لازم کله جکک بیاننه ابتدار اولندی
اولبابده .

(فی ۶ ربیع الاول سنه ۳۰۹ وفی ۲۸ ایلول)
(سنه ۳۰۷ تاریخنده بالجله ولایات استیناف)
(محکمه سی مدعی عمومیلرینه ومدعی عمومی)
(بولنمیان محللر مدعی عمومی معاونلرینه یازیلان)
(تحریرات عمومیہ صورتیدر)

طور سینایه کله جک حجاجک محتاج اعانه
اوللرینه مبنی ماکولات اثمان ومصارفی اوله رق
تخمین ایدیلان مبالغه قارشولق اولق اوزره
بالجله مأمورین وذاته مخصوص معاشلرک ایلک
حیقه جقارندن یوزده ایکی نسبتنده توقیفات
اجراسی اراده سنیه جناب پادشاهی اقتضای
عالیسندن بولنوب مأمورین عدلیه معاشلرک
مأمورین مالیه طرفلرندن اعطا اولنمقده اولسی
جهتله اشبو توقیفاتک مال مأمورلری طرفلرندن
اجرا ایدیله جکی بدیهی ایدو کندن یالکر تجارت
محاکمی ایله حاصلاتیله اداره اولنمقده اولان
بدایت محاکمی مأمورینی معاشلرندن ومقاولات
محررلری عائداتندن کذاک یوزده ایکی نسبتنده
توقیفات اجراسیله حاصل اوله جق مبالغک
مفردات دفترلریله برابر سرعت ارسالی
خصوصنه همت .

قسم غیر رسمی

(اوچیوز التی سنه سی ایلولنک یکر می برنجی)
(جمعه کونی غلطه ده طوغری یولده اوستریا)
(دولت فخمیه سی تبعه سندن ایوویه قتل قصدیه)
(تشهیر سلاح ودرسته کلان پولیس آرون)
(افندی به ریوولور انداخت ایتدیکی ادعا اولنان)
(قیوجی لوقه ومرقومک رفیق اولوب مزبور)
(ایوویه قتل قصدیه آتمش اولدینی ریوولور)
(قورشونی میخانه جی ظفیری به اصابته اثر)
(جرحدن وفات ایتسندن طولای مطنون علیه)
(بولنان خروات نیقونک اجرا قلنان محاکمه)
(علیه لری ضبطنامه سی صورتیدر)

اوچیوز التی سنه سی ایلولنک یکر می برنجی
جمعه کونی غلطه ده طوغری یولده اوستریا دولت
فخمیه سی تبعه سندن ایوویه قتل قصدیه تشهیر
سلاح ودرسته کلان پولیس آرون افندی به
ریوولور انداخت ایتدیکی ادعا اولنان قیوجی لوقه
ومرقومک رفیق اولوب مزبور ایوویه قتل
قصدیه آتمش اولدینی ریوولور قورشونی میخانه جی

ظفیری به اصابته اثر جرحدن وفات ایتسندن
طولای مطنون علیه بولنان خروات نیقونک
جنایتله اتهاملرینه دائر هیئت اتهامیه دن تنظیم اولنان
فی ۵ کانون ثانی سنه ۳۰۶ تاریخ ۴۹۱۹ نومرولی
مضبطله ایله استیناف مدعی عمومیلرکک فی ۳۱
کانون ثانی سنه ۳۰۶ تاریخ ۸۱۱۳ نومرولی
اتهامنامه سی اوراق متفرعه سیله فی ۷ مارت سنه ۳۰۷
تاریخنده محکمه جنایتله تودیع اولنمغه بالمطالعاه
اصول محاکمات جزائییه قانوننک ایکویز قرق
سکرنجی وایکیوز قرق طقوزنجی ماده لرینه توفیقاً
مرقومان ماه مزبورک اون طقوزنجی جمعه ایرتسی
کونی توقیفخانه دن جلب ایله اوستریا دولتی
قنچلاریه سی ترجمانلرندن موسیو اوتو حاضر
اولدینی حالده استیجواب ومدافعه لرنده معاونت
ایتمک اوزره بروکیمل انتخاب ایتلری تکلیف
اولندقد بولنردن نیقو محکمه نزدنده بولنان
دعوی وکیللرندن دردروف افندی بی بالانتخاب
وکیل تعیین ایلدیکی ولوقه دخی وکیلی اولدیغی
سویلملریله محکمه نزدنده بولنان دعوی وکیللرندن
قسطاک افندی جانب محکمه دن مرقومه وکیل
تعیین وقانون مزبورک ادعای مفسوخیت حقنده
اولان ایکویز الی برنجی ماده سی مندرجاتی اخطار
قلندیغی مبین طوتیلان ضبط ورقه سی تحت امضایه

الديرلدى .

ادعاى مفسوخيت ايجون معين اولان مدت
قانونيه منقضيه اولمغله مرقومانك اجراى محاكمه لرى
ماه مز بورك اوتوزنجى جمعه ايرتسى كونه
قرارلشديرلدى .

يوم مذ كورده متهمان مرقومان قانون
داره سنده توقيفخانه دن كوتورديلهرك و كيللرى
دردروف وقسطاكي افنديلر يانلرنده اولدقلىرى
ومدعى عمومى معاونى ممدوح بك واوستريادولتى
قچلار يه سى ترجانلرندن موسيو اوتو ومدعى
شخصى پوليس آرون افندى حاضر بولندقلىرى
حالده محاكمه علميه به بالا بتدار مرقومان استجواب
اولندقلرنده بولنردن نيقو يكرى ايكي ياشنده
معونه جى ولوقه دخى قرق ياشنده طاشجى وهر
ايكيسى دخى اوستريا دولتى تبعه سندن اولدقلىرى
سويلملر يله كندولر يته و وكيللرى مومى اليهمايه
قانون مز بورك ايكوز التمش دردنجى وايكوز
التمش بشنجى ماده لرى مندرجاتى بعد الاخطار
اتهام مضبطه سيله اتهامنامه ضبط كاتى شوكت افندى به
قرائت اينديرلدى .

مذكور مضبطه نك مسالى مظنون مرقوم
قيوجى لوقه نك ايويوه قتل قصديه تشهير سلاح

ودردسته كلان پوليس آرون افندى به ريولور
انداخت اينديكى ورفيقى نيقونك دخى مرقوم
ايويوه قتل قصديه آتمش اولدينى ريولور
قورشونك ميخانه جى ظفيري به اصاب ايدرك
مرقومك مقتولا وفات اينديكى حقنده اوراق
تحقيقه ده مندرج احوال مرقومانك اتهامار يته
كافى بولنمش و بولنردن نيقونك ايويوه قتل
قصديه قورشون آتمى اسباب مشدده دن عد
اولنمق اوزره حركى قانون جزانك يوز يتمش
دردنجى ولوقه نك فعلى دخى قانون مذكورك
يوز سكسانجى ماده لرى احكامنى مستلزم افعال
جنايه دن بولنمش اولمغله جنايته اتهامار يته قرار
ويرلديكى و اتهامنامه نك مفادى دخى مضبطه
مذكوره مندرجاتى وجهله مرقومانك جنايته
متهم بولندقلىرى بيان وايضا حدن عبارتدر .

قانون مز بورك ايكوز التمش التنجى ماده سنه
توفيقاً اتهامنامه نك خلاصه سى متهمان مرقومانه
تفهيم ومعاون مومى اليه طرفندن دخى اسباب
اتهاملرى تفصيل وتشريح اولندقدن صكره
مرقومان سويلتديرلده بولنردن نيقو كندوسى
غلطه ده طوغرى يولده واقع برميخانه نك قپوسى
او كنده طور مقده ايكن لوقه ايله درون ميخانه ده

غوغا ايتكمده بولنان ايويو طيشارويه چيقه رق
كندوسنه ريولور چكمسيله ريولورى تيورندن
طوته رق هم كندوسنك النده وهمده مرقومك
النده اولدينى حالده مرقوم ايويو ايكي دفعه
ريولورى آتش ايدرك ومذكور ريولورى
كندوسنك يندنه براقه رق فرازايلديكى وظفيري نك
جر حندن معلوماتى اولدينى ولوقه دخى خروات
ايويو كندوسنك نشانليسنه مكتوب كوندرديكى
خبر الديقندن مرقوم ايويوي غلطه ده بوله رق
برلكده سوطرينك ميخانه سنده اوتوروب مرقوم
ايويو كندوسنك نشانليسنى الهجنى سويلمكله
يكدى كرينه صارلمش ايسه لرده ميخانه چيلر تفريق
ايدوب ايويو فرار وكندوسنى پوليسه تسليم
ايتكار ينى باليان مضبوط افاده لرى وجهله انكار
تهمت ايلديلر مدعى شخصى پوليس آرون افندى
سويلتديرلده بركون غلطه ده طولاشمقده ايكن
آدم اورلدينى خبر الوب غلبه لك اولان برميخانه به
كيدرديكنده متهملردن لوقه نك النده بياض صابلى
كبير برريولور كوروب تكليفى اوزرينه سلاخى
كندوسنه تسليم ايتكمده مرقومى طوتوب زقاغه
چيقارديغنده قولنك ايجروسندن اوزون بر يچاق
چيقاروب صاللامش ايسه ده كندوسنه اورمق
مقصندنه بولنمىوب مذكور يچاغى دخى مرقومك

يدندن الديقنى ومركزه كيدرلر ايكن دخى
روملرك اخبارى اوزرينه مرقومك شئواري
ايجروسنده دخى برقره طاغ طبانجه سى چيقاردينى
وانك اوزرينه مرقومى مركزه تسليم ايلمش ايسه ده
كندوسنه اصلا قارشوكديكى كپى سلاح دخى كشيده
ايلمديكى افاده ايتكمده مدعى عمومى طرفندن
ويريلان شهود پوصله سنده اسمارى محرراولوب
دعوت واقعه اوزرينه كلش اولان اوستول
وميخانه جى يانى ونيقولى وصادق چاوش ومصطفى
وويسل اغار ايله طنانش وزاندارمه حسن وپترو
وزاندارمه علينك طرفينه بركونه قرابت ومناسبت
وغرض وخصوصتلى اولمدينى بالسؤال
اكلاشلقدن صكره اصول محاكات جزائيه قانونك
ايكوز التمش سكرنجى وايكوز تيشنجى ماده لر يته
توفيقاً مرقومون بعد التحليف منفرداً ومواجهه
استماع واستجواب اولندقلرنده بولنردن اوستول
ميخانه جى ظفيري نك آتيلان ايكي السلاح وزرينه
مجروحاً دكاني اوكنه دوشديكى كورمش ايسه ده
سلاخى كيمك اتدينى كورمديكى وميخانه جى
ياني دخى وقعه كوني دكانده اوتورمقده ايكن
اتصالنده كى ميخانه دن طانيه مدينى اوزن بويلى
شيشمانجه وديكرى اندن اوفق ايكي خروات
طيشارويه چيقه رق اوزون بويلى شخص قيصه

بویلی به ایکی ال ریوولور انداحت ایدرک ایلک
آتیلان ریوولورک قورشونی دکانی اوکنده
طورمقده اولان ظفیری به اصابته مرقومک یره
دوشدیکنی و خرواتلر فرار ایتدکلرندن صکره
دخی کلش اولان پولیس مأمورلرینک متهملردن
لوقه یی سوطرینک میخانه سی ایچروسندن چیقار -
دقلرنده مرقومک اوزرندن برعدد ریوولورایله
کییر بر یچاق ظهور ایلدیکنی و نیقولی دخی برکون
غلطه جاده سنده واقع دکاننده اوتورمقده ایکن
بر طبانجه سسی ایشیدوب طیشارویه باقدیغنده
بری اوکده دیکری ارقه ده ایکی خرواتک قوشمقده
اولدقلری صرعه اوکده بولنان خرواتک دوشمسيله
ارقه ده کی خروات برال سلاح اتوب فرار ایلدیکنی
و مؤخرأ دکانندن طیشارویه چیقهرق میخانه جی
ظفیرینک اورلمش اولدیغنی کوردیکی کبی بر
پولیسک دخی بر خرواتی طوتوب دکانی اوکنندن
کچوردیکی مشهودی اولش ایسه ده خرواتلرک
یوزلرینی کوره مدیکی جهته طبانجه آتان خرواتلرک
حضور محکمه ده کی متهملردن اولوب اولدیغنی
بیله میه جکنی و صادق چاوش دخی وقعه کونی
رفیق مصطفی ایله غلطه دن مروری ائنده استماع
ایتدیکی ایکی ال سلاح سسی اوزرینه ایلرویه
شتاب ایدوب بر میخانه جینک مجروحاً یرده

یآتمقده اولدیغنی و بر خرواتک دخی النده ریوولور
اولهرق امریقا تیاتروسنک زقاغنه صاپوب فرار
ایتدیکنی و دیگر بر خرواتک دخی اوراده بولنان
بر میخانه ده پولیس آرون افدینک وقوعبولان
تکلیفی اوزرینه مرقوم خروات تسلیم اولهرق
اوزرینی تحری ایتدکلرنده بیوک بر ریوولور
و برقاً و یچاق ظهور ایدرک مرقومی مرکز
کوتوررلر ایکن حاصل اولان شبیه اوزرینه
دخی مومی ایله مرقومک شلوارینی کسه رک
و ایچروسندن دخی بر طبانجه چیقهرق سلاحلریله
برلکده غلطه مرکزینه تسلیم ایلدکلرینی ولدی -
السؤال ابتدا سلاح اتوب میخانه جی ظفیری یی
جرح ایدن متهملردن نیقو و پولیس آرون
افدینک دردست ایدوب برلکده مرکز تسلیم
ایتدکلری شخص لوقه اولوب مرقومک قطعاً
مومی ایله آرون افدی به برکونه مخالفت و مقاومتده
بولنمدیغنی و مصطفی دخی مرقوم صادق چاوشک
افاده سنی تماماً تصدیق و تکرار و ویسل اغا دخی
وقعه کونی خندق زقاغندن غلطه یه اینمکده ایکن
ایکی ال سلاح سسی ایشتمسینی معقب مؤخرأ
اسمنی اوکرندیکی متهملردن نیقونک النده
ریوولور اولهرق کندوسنه طوغری کلکده
وارقه سنده کی اهلینک دخی طوتک آدم اوردی

دیمکده اولدقلرندن هان مرقومک اوزرینه
آتیلوب یدنده کی ریوولوری طوتدیغنده مرقوم
الندن المی ایشتمش ایسه ده بر اقدینی کبی بلندن
دخی طوتدیغنی و اوصرمده ژاندارمه علی چاوش
دخی یشهرک مرقومی برلکده مرکز کتوردکلرینی
و مؤخرأ دخی مرکز بر خروات ده اکتورمش
ایسه لرده متهملردن لوقه نک اولوب اولدیغنی
بیله مدیکنی و طناش دخی وقعه کونی دکاننده
یوزینی بیقماقده ایکن استماع ایتدیکی سلاح
صداسی اوزرینه طیشارویه چیقدیغنده ظفیرینک
دکانی اوکنده مجروحاً یآتمقده اولدیغنی کورمش
و انحق کیمک طرفندن جرح ایلدیکی مشهودی
اولیوب مؤخرأ ایکی خرواتک اورمش اولدیغنی
مسمومی ایدوکنی و ژاندارمه حسن و علی چاوش
دخی مرقوم ویسل اغانک افاده سنی تماماً تصدیق
و تکرار و علاوة دخی متهملردن نیقونک یدندن
المش اولدقلری ریوولورک تیموری صیجاق
وقورشونلرندن ایکسی آتیلوب باروت قوقوسی
دخی استنهام ایلدکلرینی تذکار وقسطی دخی
برکون سوطرینک میخانه سنده غوغا اولدیغنی
ایشیدوب کتدیکنده بری شلوارلی و دیگرینک
ارقه سنده اوزون پالطو و پالا بیقلی ایکی خرواتک
یکدیگرینه صاریلوب مضارب ایتدکلرلر ایکن

اهالی سائر ایله مرقومانی تفریق ایتدکلری
ائنده شلوارلی شخصدن غلافیه برعدد ریوولور
یره دوشدیکنی کوردیکی کبی یرده دخی بر یچاق
طورمقده اولدیغنی و اهالی شلوارلی خرواتی
طوتوب پالا بیقلی خرواتک طیشارویه چیقدیغنی
معقب ایکی ال طبانجه ایتلیدیغنی و مؤخرأ کلش
اولان پولیس آرون افدی به شلوارلی خرواتی
تسلیم ایتدکلرندن مومی ایله مرقومی مرکز
کوتورر ایکن کندوسیده برلکده کتدیکنندن
ائنا ی راهده مرقومک شلوارلی ایچروسندن دخی
بر طبانجه چیقارلیدیغنی کوردیکی ولدی السؤل
شلوارلی اولان خرواتک متهملردن لوقه اولوب
قتل حقنده برشی کورمدیکی جهته نیقوبی طانیدیغنی
و میخانه جی چراغی پترو دخی لسان ترکی به آشنا
اولدیغنی جهته اصول محاکمات جزائیة قانوننک
ایکیوز سکسان التنجی ماده سنه توفیقاً سامعیندن
مورملی قرق یاشنده مسکرات فابریقه جیسی
نیقولاکینک مع الحلف ترجمانغیه استیجواب
اولندقده وقعه کونی خدمت ایتدیکی میخانه یه
درت نفر خروات کلهرک برلکده اوتوروب عشرت
ایتدکلرندن صکره ایکسی قالقوب کتدکلرینی
معقب شلوارلی اولان خروات رفیقینک اوزرینه
قائله هجوم ایتدیکنی رفیق مرقومک الندن قایی

الوب دكانك ايجروسنه اتديغني وكندوسي بوخالی
 كورمكله پوليسه خبر ویرمك اوزره طوخانه به
 كيدر ايكن بر سلاح سسی ايشتمش اولديغني
 ويولده تصادف ايتديكي پوليسه كيفيتي حكايه ايله
 برلكده دكانه عودتده شلوارلی خرواتی ميخانه ده
 كوروب پوليسه دردست ايتديرديكني ولدي السؤل
 شلوارلی خرواتك متمهلردن لوقه اولديغني وقل
 حقنده مشهوداتی بولنمديغني مضبوط افاده لری
 دائر سنده بيان واخبار ايتمليله درسعادته
 اولمديغني قنچلاریه سی طرفندن بيان ايدیلان
 مدعی شخصی اوستریالی ابوو ايله مملكتته كتديكي
 بيلديريلان شاهد ميخانه جي سوطرينك افاده
 مضبوطه لری ايله اساس ژورنالی و راپورت
 لدی القرائه ابوونك افاده سنك مالی بركون
 غلطه ده لوئيد قومپانيه سنك ياننده اوتورمقده ايكن
 لوقه كلهرك مرقومك تكلیفی اوزرينه ايانيقوله
 کلیسای قارشوسنده کی قهوه خانه به کیدوب
 اوتوردقلرنده مرقوم لوقه نیچون سن بنم نشانیمه
 مکتوب کوندردك دیمسنه قارشو کندوسیده
 نشانلیسی اولديغني بيلمديكنی و بردها اسمنی
 ذکر ایتیه جکني بيان ایتمكله بومسئله بی حل ایتك
 ايجون لوقه نك بولديغني نيقو وایلیا ايله برلكده
 غلطه ده برميخانه به کیدوب اوتوردقلرندن صکره

نيقو ايشيم وار ديهرك چيقوب كنتديكنی ومؤخرأ
 دخی ایلایا ايله لوقه طیشارویه چيقه رق برمدت
 قونشدقلرندن صکره لوقه يالکرجه ياننه کلوب
 اوتوردیغني صرعه کندوسیده کیده جکندن بختله
 ایاغه قالدیغنده مرقوم لوقه شمسیه ايله اوموزینه
 اوره رق اوزرينه هجوم و بچاق کشیده سیله کندوسی
 اورمق ایشتمش ایسه ده اوراده حاضر بولنانلر
 مرقومی طوتوب کندوسیده الندن بچاغی اخذ
 ایدرك يره اتدقندن صکره پوليسه خبر ویرمك
 اوزره طیشارو چيقديغنده مذکور ميخانه نك
 قوسی اوکنده طورمقده اولان نيقو النده کی
 ریوولوری کندوسنك قارننه طوتوب ايکی دفعه
 چکمش ایسه ده آتش المديغني وانك اوزرينه
 کندوسی مرقومك ریوولورندن طوته رق الی
 بوکوب ایاقلرينك اره سنه النی صوقديغنده ریوولور
 آتش المغله مرقومی کوکسندن ایتهرك فرار ایتمش
 ایسه ده نيقو کندوسی تعقیب ایدرك ارقه سندن
 ايکی دفعه ده ریوولوری انداخت ایتديکنده
 کندوسنك ایاغی قایوب يره دوشديکندن کندوسی
 اورلیدی ظنیله ترك ایدوب فرار ایلديکني
 وسوطرينك افاده سنك مفادی دخی مرقوم
 ابوونك افاده سی وجهله ميخانه سنده اسمنی صکره دن
 اوکرنديکی لوقه بر شخص ايله شراب ايجمکده لر

ايکن لوقه بلندن چيقاردیغني قایله ياننده کی آدمه
 اوره جنی صرعه شخص مرقوم بلکندن طوته رق
 مذکور قایي الندن الوب صفره نك اوزرينه اتديغنده
 مرقوم لوقه بلنی قاریشدیرمغه باشلامغه اوراده
 حاضر بولنانلر مرقومك قوللرندن طوتوب
 ديكرينك طیشارویه چيقديغندن بر ايکی دقیقه
 صکره بر سلاح سسی ایشتمديکني ومؤخرأ ککش
 اولان پوليس لوقه بی طوتوب صفره نك اوزرنده
 طورمقده اولان قایله ریوولوری الهرق مرقومی
 کوتوردیکی صرعه ظفیرينك اورلمش اولديغني
 ایشتمديکني افاده ایلدکری و ژورنالک مالی اخبارات
 واقعه دائر سنده اولديغني و راپورتلرک مزایای
 دخی مرقوم ظفیرينك بر آلت نارینه نك انداختيله
 خروج ایدن قورشون مریمسی صول طرف
 ناحیه شرفیه سنك طرف وحشیستنده بر بچق
 ساتیمترو طولنده عمق اسفلدن اعلايه ايسردن
 ايجنه طوغری سیر ایدرك صاغ طرف طقوزنجی
 بین الاضلاعی خذاسندن ايکی ساتیمترو طولنده
 بر عدد فتحه خروجیه مشاهده اولوب اشبو
 جرحدن متأثراً مرقومك وفات ایلديکني و ديكر
 راپورتلرک زبدۀ مندرجاتی دخی مرقوم ابوونك
 صاغ النك ابهام برمقنده معاینه دن اون اون بش
 کون مقدم بر آلت قاطعه ايله حصوله ککش بر عدد

جرح نديه سی کورلديکی اکلا شلمغه شاهدلرک
 ذات وشهادتلی ايله ژورنال ومعاینه راپورتلری
 مندرجاته نه ديه جکری متهمان مرقومانندن
 صورلدقده انکارلرنده اصرار ایلملر يله تحقیقاتک
 بوندن عبارت اولديغني بيان اولندقده معاون
 مومی ايله ممدوح بك متهملردن نيقونك ابوويه
 قتل قصديه آتمش اولديغني ریوولور قورشونك
 ميخانه جي ظفیری به اصاب ایدرك مرقومك مقتولا
 وفات ایتديکی ولوقه نك دخی مرقوم ابوويه قتل
 قصديه تشهير سلاح ایلديکی اخبارات ودلائل
 وامارات ومعاینه راپورتلری مندرجاتيله تحقق
 ایتديکندن مجرمتلرينك تحت حکمه النمسی
 ادعا ومدافعه وکیللرندن دردروف افندی دخی
 استماع ایدیلان شاهدلر موکلنك طبایحه اتديغني
 قطعاً خبر ویرمکدکری و پوليس واستستطاق
 دائر سنجه اجرا قلنان تحقیقاتده موکلی نيقو بن
 ميخانه به کتديکم وقت ابوو بکا ریوولور چکدی
 بنده الندن طوتدیغ صرعه باطلادی دیديکی کبی
 ابوو دخی افاده سنده موکلنك بو افاده سنی مؤید
 اوله رق بن نيقوی ایکی ایاغمک اره سنه الدم
 ریوولور هم بنم و همسده نيقونك النده اولديغني
 حالدۀ باطلادی دیمش و موکلنك ابوويه قتل
 قصديه طبایحه چکمه سنه دخی میدانده بر سبب

بولنامش اولوب بناء عليه ايونك سلاحي آتش
الهرق قورشوني ظفيري به اصابت ايتيش ايسه
بونده دخي بر قصد اولديغندن هر حالده موكلنك
برائت ذمتته قرار و يرلسني وديكر وكيل قسطاكي
افندي دخي موكلني لوقه نك آرون افندي به سلاح
آتمديغي مومي اليه سويلديكي كي شاهدلر دخي
بو يولده بيان معلومات ايتيش اولدقلرني وايويوه
تشهير سلاح ايتيمسه كنجه شاهدلردن پترو ايونك
قباني يره آنديغي سويلديكي حالده افاده سي قرائت
ايديلان سوطري قانك ماصه نك اوزرنده طور مقده
اولديغي وقسطي دخي قباني كندوسي لوقه نك الندن
الديغني بيان ايدر ك هر اوچي افادات متباينه ده
بولنمش اولدقلرندن بو افاده لك نظر قانونده مقبول
و معتبر اوله ميه جغني واكرچه موكلنك ايويوه بر
غرض و خصوصتي اولسه و مرقومي قتل ايتك
مقصندن بولنسه اويله جمع ناس اولان بر محله ده
بويله بر فعله جرأت ايتيمه چكي دركار ايدوكني
بالبيان مومي اليه دخي موكلنك برائت ذمتته قرار
و يرلسني طلب و درميان ايتيلر يله ولدي السؤال
طرفينك بشقه برديه جكري اولديغي اكلا شلمغله
محاكمه نك ختام بولديغي بيان اوله رق مذاكره
اوطه سنه كندى .
طرفينك ادعا و مدافعاتنك استماعندن و اوراق

حسن و پترو و زاندارمه على وقسطي طرفلرندن
حضور محكمه ده و ميخانه جي سوطرينك دخي
دائرة استطاقده مع الحلف و على الدرجات افاده
واخبار ايتلرينه و متهمان مرقومانك حين
در دستلرنده بولردن لوقه نك اوزرندن بر يوولور
وقا و بحاق و بر طبانجه ظهور ايتديكي كي نيقونك
يدندن النان ر يوولورك ايكي قورشوني انداخت
اوله رق تيورينك صيحاك اولوب باروت قوقوسي
دخي استشمام اولنديغنيك جمله اخبار اتدن بولنمسه
وقرائت اولنان اساس ژورنالي دخي اخبارات
واقعه ني مؤيد اوله رق معايينه راپورتلرنده دخي
ظفيري نك المش اولديغي قورشون ياره سندن متأثراً
وفات ايلديكنك و ايونك دخي صاغ الي پرمغنده
جر يه اولديغنيك محرر بولنمسه و مدافعاته كنجه
مرقوم نيقونك طبانجه اتديغني شاهدلر خبر
و ير دكلى مثللو خروات ايرونك ينده سلاح
اولوب نيقويه تشهير ايتسي اوزرينه نيقونك
مرقومي اياقلى آره سنه الديغنه دائر ميدانده بر
كونه دليل و اخبار بولنه مامسسه و اخبارات واقعه يه
قارشو ظفيري نك قاتلى اولق اوزره نيقودن بشقه
بر يسنى تحري ايتك متصور كور يله مامسسه
و شاهدلردن پترو و سوطيري و قسطينك افاداتنده
بركونه مباينت كور يله ميوب اخبارلرينك درجات

اوزرينه و بناء عليه نظر قانونده مقبوليتي دركار
بولنمسه و لوقه نك جمع ناس اولان محله ده بويله بر
فعله جرأت ايتسي كندوسنك برائتي استلزام
ايتيمه چكنه و متهمان مرقومانك عليه رنده حاصل
اولان احوالى رد و تكذيب ايدر بركونه اسباب
معقوله درميان ايدم ماملرينه مبنى مرقومانك
انكارلري واهي و وكيل مومي اليه مانك دخي
مدافعات واقعه لري اسباب مبسوطه ايله مردود
ايدو كندن بولردن نيقونك بالتهور خروات
ايويوه قتل قصديه اتمش اولديغي ر يوولور
قورشونك ميخانه جي ظفيري به اصابتيله مرقومك
اثر جرحدن وفات ايتديكي و لوقه نك دخي مرقوم
ايويوه قتل قصديه تشهير سلاح ايلديكي حالده
اسباب مانعه خيولتيله ماده قتل فعله چيقمديني
تحقق ايتكمه نيقونك قاتل غير متعمد اولمسندن
ولوقه نك دخي قتل قصديه تشهير سلاح ايتمسندن
طولاي مجريتلرينه متفقاً قرار و يرلوب اولبابده
تنظيم اولنان قرارنامه علناً قرائت اولندقدن معاون
مومي اليه بمدوح بك مجريتلري تحت حكمه النان
نيقونك قانون جزانك يوز يتمش در دنجي ماده سي
ولوقه نك دخي يوز سكساننجي ماده سي ذيلي
احكامنه توفيقاً تحديد و و كيلان مومي اليه مانك دخي
تخفيف جزالريني طلب ايتلر يله مذاكره

اوطه سنه عودت اولندی .

جهت جزائیہ حقنہ دخی تر جان مومی الیه
حاضر اولدینی حالده ایجابی لدی التذکره میتری
تحت حکمه النانردن نیقونک حرکتی قانون
جزانک یوز یتش دردنجی ماده سنک فقره اولیسی
ولوقه نک فعلی دخی قانون مز بورک یوز سکسانجی
ماده سی ذیلی احکامنه موافق بولندیغه و مذکور
یوز یتش دردنجی ماده نک فقره اولیسنده برکیمسه
من غیر تعمد بر شخصی اتلاف ایتش ایسه اون بش
سنه مدته کورکه قونیلور و ذیل مذکورده دخی
مجرد قتل قصدیه سلاح چکوبده ید اختیارنده
اولیان اسباب مانعه حیلولیه ماده قتل فعله
چیقامش ایدوکی تحقق ایدنلر موقتاً کورکه قونیلور
دیوحرر بولندیغه منی بو مادهلر احکامنه توفیقاً
و ابتدای توقیفلری اولان اوچیوز سکر سنه سی
صفرینک یکرمنجی کونندن اعتباراً نیقونک اون
بش ولوقه نک دخی اوچ سنه مدتلرله کورکه
قونلرینه وضبط و اعلام واستطاق خر جبری
اولان جمعاً ایکوز التمش غروشک دخی
مرقوماندن مناصفة بالتحصیل عدلیه وزنه سنه
تسلیم ایتدیرلسنه اوچیوز سکر سنه سی رمضانک
اوچنجی کونته مصادف اولان اوچیوز یدی

سنه سی مارتنک اوتوزنجی کونی متفقاً قرار
و یریلوب قانونک ارانه و تعریفی وجهله تفهیمی
اجرا و اصول محاکمه جه معین اولان معاملات
سائر دخی ایفا قلندی .

فی ۱۷ حزیران سنه ۳۰۷

اعلان

یورغانجی الحاج ادهم اغانک زوجہ سی امینه
خانم ایله قرنداشی عمر اغانک ^{۱۱۲} نومرولی اعلام
موجبجه کیغورق قلفه یه دینلری اولان معلوم المقدار
مبالغت تسویه سی ضمننده طو پخانه ده چقور جمعه
محلہ سنده اغا حامی جاده سنده واقع قرق بر و قرق
اوچ نومرولی ایکی باب خانه ایله قرق بش نومرولی
بر باب دکانده درت حصه اعتبار یله متصرف
اولدقلى ایکی حصه اوچ ربع سهملری تاریخ

اعلانندن اعتباراً اون بش کون صکره بللرایده
فروخت ایتدیر یله چکی بک اوغلی بدایت محکمه سی
اجرا مأموریتی جانبندن اعلان اولنور .

فی ۱۸ ایلول سنه ۳۰۷

خدیجه خانمک ^{۲۰۶} نومرولی اعلام موجبجه
نیقولیه محکوم به دخی اولان معلوم المقدار
مبالغت تسویه سی ضمننده قاسم پاشاده سفریقوز
محلہ سنده یکی چشمه زقاغنده اون ایکی نومرولی
بر باب خانه ده اوچ حصه اعتبار یله متصرفه
اولدینی ثلث حصه شایعه سی تاریخ اعلانندن اعتباراً
اون بش کون صکره بللرایده فروخت ایتدیر یله چکی
بک اوغلی بدایت محکمه سی اجرا مأموریتی
جانبندن اعلان اولنور .

فی ۲۶ ایلول سنه ۳۰۷

متوفی احمد رؤف بک ورثه سنک صدور
عظامدن مرحوم تحسین بک کریمه سی امینه صبیحه
خانم ذمتده قسمت عسکری محکمه سندن و یریلان
مقتضی اعلامی موجبجه الاجقلى اولان مبالغ
معلومه یه مقابل مرهون و فروختی محکوم بولنار
محمود پاشا قربنده محمود پاشا حامی دیکله معروف
بر باب حام ایله دروننده موجود وقف الات
و کدکک یوز یکریمی سهم اعتبار یله اون ایکی سهم
حصه شایعه سی لیرا یوزغر وش حسابیه اوتوز
بیک غروش بدل ایله طالبی عهده سنده تقرر
ایتش اولدیغندن یوزده بش ضمیله طالب اولنلرک
اوتوز بر کون ظرفنده اعلامات شرعیه اجرا
دائرہ سنه مراجعت ایتلری بوندن اقدام غزته لرله
اعلان اولنلر ق مدت مذکور منقضیه اولمش ایسه ده
طالبلرک ارقه سی کسلمدیکندن و حصه مرقومه نک
ملک و کدک اولدینی مؤخرأ بالتحقیق اکلاشلدیغندن
مدت مزایده اون بش کون دها تمديد ایدلش
اولغله بدل مذکوردن زیاده یه طالب اولانلرک
اون بش کونه یعنی تشرین اولک اون دردنجی
پازار ایرتسی کونه قدر اعلامات شرعیه اجرا
دائرہ سنه مراجعت ایتلری و یوم مذکور دصکره
بی و ضم قبول اولنمیوب طالبی عهده سنه معامله

فراغیه سنک اجرا ایتدیر یله جکی اعلان
اولنور .

فی ۲۸ ایلول سنه ۳۰۷

کیوه قضاسنه تابع سراجلی اوستی قریه سندن
پاپاس کریاقو افدینک بر قطعه اعلام نظامی
موجبنجه قریه من بوردن عموجه اوغلی امین
و مخدومی رجب ذمتلر نده محکوم به الاجفندن
طولای مدیون مرقومانک متصرف اولدقلری
برقطعه طوت باغچه سی داتک استدعاسی اوزرینه
تحت حجزه النممش اولدیغندن تاریخدن اون بش
کون صکره فروخته تشبث اولنه جفندن طالب
اولنلرک کیوه بدایت محکمه سی اجرا دائره سنه
مراجعت ایتلری اعلان اولنور .

فی ۲۹ ایلول سنه ۳۰۷

انانیادی خاننده اون الی نومرولی او طده
مقیم صراف قارنیک مانوقیان وکیلی سلیمان صبحی
بکک غلطه ده سهوسیان خاننده مقیم ایکن شمعی
اقامتکاهی مجهول بولنان تجار دن وتبعه دولت
علیه دن تشان طاشجیان و وارطان بارونیان ایا
کذلک مرجانده یلدر خاننده مقیم ایکن اقامتکاهی
مجهول تجار دن وتبعه دولت علیه دن (ن و)
هامبورکیان ذمتلر نده بر قطعه امره محرر سند
موجبنجه الاجنی اولان مبالغک عدم تأدییه سندن
طولای در سعادت تجارت بحریه محکمه سنده اقامه
ایلدیکی افلاس ادعاسنک اوچیوز یدی سنه سی
تشرین اولنک یدنجی بازار ایرتسی کونی ساعت
التیده فصل ورؤیت اولنه جفندن و یوم و وقت
مذ کورده مرقومانک محکمه مذ کورده بالذات
حاضر بولنملری لازم کله جکندن شاید کلز
وطرفلرندن مصدق سندله وکیل کوندر مزایسه لر
حقلر نده اصول محاکمه حقوقیه قانوننامه سنک
مواد مخصوصه سنه توفیقاً عن الغیاب معامله
قانونیه نک اجرا اولنه جفی معلوملری اولق اوزره
اولبایده تنظیم اولنان دعوتیه ورقه لری محکمه نک
دیوانخانه سنه تعلیق اولندیکی کبی غزته لر واسطه سیله

دخی اعلان کیفیتیه ابتدار قلندی .

فی ۱۰ ربیع الاول سنه ۳۰۹

وفی ۱ تشرین اول سنه ۳۰۷

شرعیه اجرا دائره سنه مراجعت ایلملری اعلان
اولنور .

فی ۲ تشرین اول سنه ۳۰۷

تبعه دولت علیه نک روم ملتی نسوانندن
متوفاة الیاییت ورثه سنک حاجی حسن اغا ذمتنده
محکمه تفتیشدن ویریلان فی ۱۳ ذی القعدة
سنه ۳۰۲ تاریخی برقطعه ادانه حجتی موجبنجه
الاجقلری اولان مبالغ معلومه نک تأمین استیفاسی
ضمننده مدیون مومی الیهک عهده سنده اولوب
مرهون و فروختی محکوم بولنان بک اوغلنده
اغا جامعشریفی محله سنده قیل برونی جاده سنده
واقع ۴۹ و ۷۷ نومرولرایله مرقم مقدما بر والیوم
یکدیگرینه متصل ایکی باب کارگیر منزل ایله تحتنده
مقدما بر والیوم ۵۱ و ۵۰ نومرولرایله مرقم ایکی
باب کارگیر دکان دروننده موجود بر بر کدکی
بوندن اقدام مزایده یه قونیله رق لیرا یوز غروش
حسابیله الی بیک غروش بدل ایله طالبی اوزرنده
تقرر ایتمش اولدیغندن یوزده بش ضمیله بوندن
دها زیاده طالب اولنلرک اشبو تاریخ اعلاندن

متوفاة لیبه خانم ورثه سنک شریفه صالحه خانم
ذمتنده قسمت عسکری محکمه سندن ویریلان
فی ۲۵ رجب سنه ۳۰۸ تاریخی برقطعه اعلام
شرعی موجبنجه الاجنی اولان مبالغ معلومه نک
تأمین استیفاسی ضمننده مدیونه مومی الیهانک
عهده سنده اولوب اسکدار بدایت محکمه سی حقوق
دائره سندن ویریلان اعلام موجبنجه فروختی
محکوم بولنان اسکدارده یکی چشمه ده بلغورلی
مسجد محله سنده واقع یکر می یدی نومرو ایله
مرقم بر باب دکانک نصف حصه شایعه سنک اشبو
تاریخ اعلاندن اعتباراً اون بش کون صکره
فروخته تشبث اولنه جفندن طالب اولنلرک پی
سورمک و بوندن دها زیاده معلومات المی استیانلرک
مدت مذ کوره ختامندن صکره در سعادت اعلامات

اعتباراً اوتوز برکون ظرفده درسعادت اعلامات
شرعیه اجرا دائره سنه مراجعت ایلملری و مدت
مذکوره ختامندن صکره طالبی عهدده سنه معامله
فراغیه سی اجرا قلنه جنی اعلان اولنور .

فی ۲ تشرین اول سنه ۳۰۷

ابراهیم افندیکنک سامی و برادری مصطفی عطا
افندیلر ذمتنده بااعلام محکوم به الاجنی بولنان
مبالغک تأمین استیفاسی ضمتنده تحت حجزه النهرق
بالمزایده فروختی قرارلشدیریلان وفاده شجاع الدین
محلده سنده واقع تخمیناً مع بغچه یوز اوتوز آرشون
عرصه اوزرینه مبنی دروننده ایکی قیو و بش
اوطه بی وایکی ابدستخانه و بر خراب مطبخی مشتمل
اون سکز نومرولی بر باب خانه تمامک تاریخ
اعلانندن اعتباراً اون بش کون صکره بالمزایده
فروخته تشبک اولنه جنی درسعادت اعلامات نظامیه
اجرا دائره سندن اعلان اولنور .

فی ۵ تشرین اول سنه ۳۰۷

دفتر خاقانی نظارت جلیله سنک ۲۰۰۵ نومرویه
مقید شهراماتی ملحقات اداره سنک اعلامی موجبجه
رائف افندی ذمتنده الاجنی بولنان معلوم المقدار
مبالغک تأمین استیفاسی چون طرفینک رضا و موافقتیه
تحت حجزه النهرق فروختی قرارلشدیریلان
طوپخانه ده حاجی محی محلده سنده خبره جی یقوشی
جاده سنده واقع تخمیناً یوز التمش آرشون عرصه
اوزرینه مبنی فوقانی و تحتانی یدی اوطه و اوچ
صفه و اوچ خلای و بر مطبخ و بر حولی بی حاوی
یکرمی نومرو ایله مرقم بر باب نصف خانه ک
تاریخ اعلانندن اعتباراً اون بش کون صکره
بالمزایده فروخته تشبک اولنه جنی درسعادت
اعلامات نظامیه اجرا دائره سندن اعلان
اولنور .

فی ۲۵ ایلول سنه ۳۰۷